

A prayer for Myanmar (Chin/Falam)

Maw lei le van a tuahtu, a Thianghlim le duhdawtnak Pathian, nunnak le rundamnak in pekmi parah kan lung a awi. Kawlram mi kan sinak par khalah kan lung a awi. Adoniram le Ann Judson na rak thlah. Kawlram hmuntin ah missionary na thlah ih mi tampi in an nunnak an liam. Curuangah mi tampi cu zumtu ah kan cang. Laitlang ah missionary na rak thlah ruangah tuini ah Laimi tampi cu nangmah zumtu ah kan cang. Himi ruangah kan lung a awi ngaingai. Missionary thlahtu American Baptist pawl hnen khalah kan lung a awi ngaingai. Thlawsuah run pe in run hmang vivo hram aw.

Bawipa, tuini ah kan Kawlram ih thil cangmi parah kan riah a sia tuk. Na hmuihmel keng ih na sersiammi kan si ve. Sikhalsehla, mah zawnruahnak, duhhamnak, huat awknak in a khat. In ngaidam hram aw. Na thisen ih leimi kan si ve. Na rundamnak, zalennak, le minung sinak coco in pe hram aw. Tuini duhporhnak a tuahtu pawl khal thihhlonak le thihnai suahnak um lo dingin na Thlarau Thianghmin in rum huhim hram aw. Ralkap pawl khal kannih cu ram humhimtu ding kan si ti ruahnak run pe in mipi duhnak thlun theinak thinlung run pe hram aw.

Adoniram Judson in, "Pathian ih thutiam a tleuvar vekin Kawlram ih hmailam khal a tleuvar ve a si," a ti vekin Kawlram hi run tleuvarter hram aw. Jesuh Khrih hmin in kan lo dil Amen!

Creator of heaven and earth, Holy and loving God, we thank you for giving us life and salvation. We thank you for creating us as people from Burma. You sent Ann and Adoniram Judson to Burma as the first Baptist missionaries to Burma. You also sent many missionaries in various places of Burma. Many missionaries sacrificed their lives for us. Therefore, many people become believers today. You sent missionaries to Chin hills as well. That is why many Chin people are believers and most of them are Baptists. We thank you for all these. We would like to express our heartfelt thanks to American Baptist for sending missionaries to us. May you use them and use them more.

O Lord, we are saddened by what had happened in Burma today. We are also created by your own image. But there are full of hatred, greed, and self-centered among the people. Please forgive us. We are also bought by your blood. Please give us your salvation, freedom, human right. Please protect those who protest against the military coup from bloodshed, injuries, death by your Holy Spirit. Please make the military know that they are not leaders but to protect the country, so that they may willingly follow the will of the people.

As Adoniram Judson said, "The future of Burma is as bright as the promises of God," let the future of Burma be as bright as your promises. In Jesus name we pray, Amen!

Rev. Dr. Biak Hlei Mang Bible Translator for Chin Baptist Association in North America and Pastor of Myanmar Christian Church of Greater Chicago